



Макотиби ибтидоия шогирдларина алифбодан сўнг ўқутмак учун мумкин даражада очик тил ва осон таркиблар ила ёзилмиш кироат китоби

БИСМИЛЛАХИР РОХМАНИР РОХИЙМ

Хамд

Аллох таоло хазратлари бизни йўқдан бор килди. Кичик эдик, катта килди. Оч эдик, ризк беруб тўйдирди. Ялангоч эдук, кийим берди. Кўрмак учун кўз берди. Эшитмак учун кулок берди. Сўзламок учун тил берди. Юрмак учун оёк берди. Ишламак учун кўл хам куч берди. Яхшини ёмондан, окни корадан айирмак учун акл-хуш берди. Хусусан, бизга иймон бериб, ўзининг бирлигига инонтирди. Барча пайгамбарларнинг афзали бўлган Мухаммад алайхиссалом хазратларига бизни уммат килди. Хам динларнинг энг хак ва тўгриси бўлган ислом дини ила мушарраф килди. Бу нарсаларнинг хар бири Аллох таолонинг берган улуг неъматларидир. Булардан бошка канча неъматлар бергандирки, ёзмок ва санамок ила адо килмок мумкин эмасдир. Бу неъматларнинг хар бириси учун Аллох таоло хазратларига доимо хамд ва шукр этмак барчамизга вожибдир. Аллох таолога айтиладирган хамд ва шукурларнинг энг яхшиси берган неъматларини ўз ўрунларига ишлатмак ва буюрган ишларини чин кўнгил ила килиб, кайтарган ишларидан бор куч ила ўзини тортмокликдир.

Байт:

Банданинг харгиз кўлидан келмагай,
Неъмати Хак шукрини этмак тамом.
Яхшиси улдурки, хар бир неъматин
Ўз ерига сарф килгай хосу ом.
«Кил!» — деганин жону дил бирла килуб,
«Кўй!» — деганин ўзига билгай харом.

САЛОВОТ

Бизнинг динимиз — ислом, ўзимиз мусулмондирмиз. Бизга ислом динини ўргатган ва мусулмонлигимизга сабаб бўлган афандимиз Мухаммад алайхиссалом хазратларидир. Бу зот Аллох таолонинг энг якин ва энг суюклик бандаси эдилар. Шул сабабли бошка бандаларига тўгри йўлларни кўрсатмак ва эгри йўллардан кайтармак учун бу зотни элчи килиб юборди ва ҳамма бандаларига бош ва пайгамбар килди. Бу зот ҳам ниҳоятда тўгрилик ила Аллох таолонинг ҳамма буйруklarини сахобаларига ўргатдилар, сахобалар боболаримизга ва боболаримиз бизга еткурдилар. Шу йўл ила биз мусулмон бўлдик. Мана шул Мухаммад алайхиссалом бизнинг пайгамбаримиз ва биз шул зотнинг умматларидурмиз. Шунинг учун бу зотнинг ўзларига ва барча ав-лод, кариндош ва сахобаларига Аллох таолодан раҳмат тиламак ва бу зотнинг кўрсатган йўлларида ва айтган сўзларидан заррача чикмаслик хар бир мусулмонман деган кишига лозимдур.

ИЛМ

Илм — билмаган нарсаларини билганлардан ўрганмоқдир.

Одам боласи тугилган замонда ҳеч нарсани билмас. Хаттоки сўзламок, ёзмок, яхшини ёмондан, окни корадан айирмак каби энг керакли нарсалардан махрумлик холда дунёга келур. Сўнгра оз-оз ўрганмоқ ила хар нарсани билур.

Оталаримиз, оналаримиз, улугларимиз ва муаллим афандиларимиз ушбу билган нарсаларимизни ўргатмаган бўлсалар эди, ҳозирда биз ҳам ҳеч нарсани билмас эдук. Шунинг учун одам болаларига зиёда лозим бўлган нарса — билмаганларини билганлардан сўраб ва ўқуб ўрганмак, яъни илм деган азииз ва фойдали нарсани кўлга олмак учун ҳаракат килмоқдир. Илм — одамнинг зехнини очар, аклини орттирар, билмаган нарсаларини билдирур, дунёда бахтли ва иззатли килур. Охиратда саодатли ва шарофатли килур.

Байт:

Илмдур дунёда энг яхши хунар,
Илмсиздан яхшидур гунг ила кар.
Хар киши илм-ла бўлса ошно,
Иззату давлатда бўлгай доимо,
Илмсиз одам залилу хор ўлур,
Илмсизлардан ҳамма безор ўлур.

АХЛОК ДАРСЛАРИ

Одоб

Бир киши Лукмони хақимдан: «Одобни кимдан ўргандингиз?» — деб сўради. Лукмони хақим: «Одобни одобсизлардан ўргандим», — деб жавоб берди. Ул киши яна сўради: «Одобни одобсизлардан қандай ўргандингиз?»

Лукмони хақим жавоб берди: «Доим кишиларнинг қилган ишларига ва сўзлаган сўзларига диққат ила қараб ўрдим. Кимдан ёмон сўз эшитсам, ул сўзни ҳеч бир сўйламадим, кимдаки бир ёмон иш қўрсам, ул ишни ҳеч бир қилмадим, шунинг ила одобли бўлдим».

Хисса: одобли бўлурман деган киши ҳар нарсага иззат қўзи ила боқиб, иззат олур. Қайси иш қўзига яхши қўрун-са, ул ишни қилмоқга ҳаракат қилур. Ва қай иш қўзига ёмон қўрунса, ул ишдан ўзини тортур. Бундай қилган киши, албатта, одобли бўлур.

Искандар Зулқарнайн

Ўтган замонда Искандар деган улуг бир подшоҳ бор эди. Бир кун бир девонага йўлиқди. Девонанинг баъзи ҳаракатлари подшоҳга ҳуш келуб, айтди: «Эй девона, мандан бир нарса сўрагил». Девона айтди: «Эй подшоҳи олам, пашшалар манга ҳар вақт ташвиш берадурлар. Юз ва қўлларимни чоқиб, ҳафа қиладурлар. Буюрсангизки, пашшалар манга бундай озор бермасалар».

Подшоҳ айтди. «Эй девона, мандан шундай нарса сўрагилки, ул нарса маним ҳукмимда бўлсун. Ман пашшага нечук буйруқ қилурман?»

Девона айтди: «Эй подшоҳ, дунёдаги махлуқларнинг энг қичкинаси ва ожизроғи пашшадир. Шул пашшагаки ҳукмингиз юрмаса, эмди сиздан нима сўрарман?»

Хисса:

Дунёда сенинг на ҳожатинг бор,
Сўрагил они сан Худодан, эй ёр.

Лофчи

Бир лофчи киши бор эди. Лоф ва ёлгон сўзларни кўп сўзлар эди. Бир кун бир мажлисда денгизларнинг ахволидан ва денгизда кўрган томошаларидан хикоя килди. Мажлисдаги кишилардан бири сўрадики: «Эй биродар, сиз денгизда кўп саёхат килганга ўхшайсиз, денгизларнинг баликлари кандай бўлур экан?»

Лофчи ул кишига бокуб: «Халигача сиз денгиз баликларини кўрганингиз йўкми? Денгиз баликлари туяга ўхшаш икки узун шохли бўлурлар»,— деди.

Мажлисда ўлтурганлар билдиларки, ул бечора на туяни кўрган экан ва на денгиз балигини.

Барчалари бирдан кулишиб юбордилар. Лофчи уялиб, мажлисдан чикиб кетди.

Хисса:

Ўгул, пархез кил сан хам хамиша лофу ёлгондан —
Ки яхшидур сукут этмок, айтуб ёлгону ёлгондан.

Икки йўлдош

Икки киши дўст ва йўлдош бўлиб, сафарга чикдилар. Йўлда бир айик чикиб, буларга югуриб хужум килди. Буларнинг бири ёш ва чаккон эди. Шу сабабли тезлик ила кочуб, бир ерга бекинди. Аммо иккинчиси ўзининг кексалиги ва кучсизлигидан кочолмай колди.

Начора, ўзини бир ерга ташлаб, ўликга ўхшаб кимирламай ётди. Айик келуб, буни искаб-искаб, ўлук гумон килиб, зарар еткурмай ташлаб кетди.

Айик кетгандан сўнгра йўлдош бекинган еридан чикуб келди ва кулиб айтдики: «Эй йўлдош, кулогинга айик нима деб шивирлади?»

Йўлдош жавоб берди: «Айик кулогимга, бундай ожизлик вақтида сени ташлаб кетадургон кишига бундан сўнг асло йўлдош бўлма, деб шивирлади».

Хисса: Шундай кишилар ила дўст ва йўлдош бўлмок керакки, шодлигинга шод, хафалигинга хафа бўлсун. Ошга ўрток, бошга тўкмок бўлмасин.

Тўгри □ жавоб

Отаси ўлуб, бир киши ўлди бой,
Ки колди анга молу мулк, сарой.
Онинг олдига бир факир келиб,
Салом айлади кўп тавозе килиб,

Деди: «Ман санга тугма кардошман,
Бу молу манолингга йўлдошман.
Отангдан чу колди санга бунча мол,
Бўлиб бер менга ярмини ушбу хол».
Ул одам деди хайрат ила анго:
«Нечук сан кариндош ўлурсан манго?»
Факир айди: «Эй меҳрибоним, эшит;
Кулок сол, бу арзи нихоним эшит,
Сану ман хама олам инсонлари,
Эмасмизми бир одам ўғлонлари?»
Бу сўзни эшитгач, табассум килиб,
Бир олтун чикарди, деди: «Ол келиб»
Ул айди: «Биродар, бу кандай сухан,

Манга шулмидир хисса меросдан?»
Жавобида ул марди ширин калом,
Деди: «Сокит ўл, билмасун хосу ом.
Эшитса гар ўзга кариндошлар,
Узогу якин, ёру йўлдошлар,
Бўлиб олсалар, молу мулк тамом,
Санго тегмагай бир тийин, вассалом».

Панд

Яхши муомалани дўст ва душманга баробар килмок лозимдур. Чунки яхши сўз дўстларнинг дўстликларини орттурур. Душманларингни дўстликка айлантирур.

Назм

Бўлур хулку хуш хам сучук тил била,
Етаклаб улуг филни кил била.
Чикар яхши сўз-ла илон инидан,
Ёмон сўз ила мусулмон динидан.

Жўгрофия

Ернинг ахволини билдирадургон илми жўгрофия дейилур. Ер бизнинг кўзимизга текисга ўхшаб кўринса ҳам, аслида текис эмас. Балки пўртахолга ўхшаш юмалокдир. Аввалларда «Ер хўкизнинг шохида турадир», деган сўзларга хар ким ишонгон бўлса ҳам, хозирги замонда андог сўзларнинг аслсизлиги хар кимга маълумдир. Ер хеч нарсанинг устида турмас. Балки хавонинг ўртаси муаллак турадур.

Пўртахолнинг юзи ўзининг пўсти ила коплангонига ўхшаш ер юзининг ҳам тўртдан уч бўлаги шўр сувлар ила копланмиш, колгон бир бўлаги тош, кум ва туффроглар ила копланмишдур.

Сув ила коплангон ўринларини денгиз, кўл ва дарё дейилур. Тош, кум ва туффроглар ила копланмиш ўринларини куруглик дейилур.

Денгизлар беш бўлак бўлиб, Бахри мухити кабир, Бахри мухити хинд, Бахри мухити атлас, Бахри мухити мунжамиди шимолий, Бахри мухити жанубий деб аталурлар. Ушбу денгизлар куругликнинг атрофини ўраб олмиш улуг денгизлардур. Булардан бошка куругликнинг орасига ёриб кирмиш ниҳоятда кўп кўл ва денгизлар бордур.

Машхурроклари: Ок денгиз, Кора денгиз, Шимол денгизи, Каспий денгиз, Манош денгизи, Бахранг денгизи, Болтик денгизи, Аталар денгизи, Мармара денгизи, Азов денгизи, Бахри ахмар, Япония денгизи ва Чин денгизларидур. Куруглик ҳам беш китъага бўлиниб, Европа, Осиё, Амрико, Африко, Австралия деб аталур.

Хажжож ила дарвеш

Ўтган замонда Хажжож исмли бир золим подшоҳ бор эди. Кўп уламо ва саидларнинг бошларини кесмиш ва конларини тўкмиш эди. Анинг жабр ва зулми шул даражага етмишдур, тарих китобларининг хар бирида анинг исмини Хажжожии золим деб ёд килмишлар.

Мана ушбу Хажжож бир кун йўлда бир дарвешга йўлиқди. Олдига чакириб: «Эй дарвеш, маним хакимга бир яхши дуо кил!» — деди. Дарвеш кўлини дуога кўтариб: «Ё Раб! Бу золимни жонини тезрок олгайсан», — деб дуо килди. Хажжож аччигланиб: «На учун бундай ёмон дуо килурсан?» — деди. Дарвеш: «Агар сан тезрок ўлсанг, гунохинг кўпаймас. Ва барча фукаро сенинг зулмингдан кутулур. Шунинг учун маним бу дуом ҳам санга ва ҳам барча кишиларга фойдалидур», — деди. Дарвешнинг тўгри жавоби Хажжожга хуш келуб, кўп инъомлар берди. Хам ул кундан бошлаб зулмдан кўл йигди.

АХЛОК ДАРСЛАРИ

Тарбияли бола

Тарбияли бола улугларни иззат ва хурмат килур. Ўзи баробарига яхши муомала килур. Ва ўзидан кичикларга шафкат ва мархамат килур. Хар кимнинг кадрили билур. Ўзидан рози килмокга харакат килур. Кўлидан келганича бошка инсонларга ёрдам берур. Инсонликга ярашган ишлардан ўзини тортмас. Ярашмаган ишларнинг (канча фойдалик бўлса ҳам), якинига бормас. Ўзи билмайдурган сўзларга ва кўлидан келмайдургон ишларга асло аралашмас. Хар ишда тўгриликдан айрилмас. Доимо яхшини яхши, ёмонни ёмон дер. Хар сўзни вақтига ва жойига караб сўзлар. Хар ишда бир фойдани кўзлар. Ўзларига ёки бошка инсонларга фойдаси тегмайдургон ишларга кадам кўймас. Хеч кимнинг ишига, кучига зарар еткурмас. Тарбиясиз, ёмон болаларга кўшилмас. Ота ва онасининг, муаллим ва халфаларнинг сўзларидан чикмас. Хар ишда инсофни кўлдан бермас. Бировдан бир яхшилик кўрса, эсидан чикармас. Кўлидан келмаган ишни устига олмас. Устига олган хизматини килмай колдирмас. «Миллат» деган сўзни жонидан ортик суяр.

Шафкат ва мархамат

Одам болаларига лозим бўлган яхши ишларнинг бири мухтожларга шафкат ва мархамат килмокдур. Шафкат ва мархамат эса биров бир нарсани сўрагон вақтида бор бўлса, аямасдан бермак, агарда йўк бўлса, ширин сўз ила узр этмок ва кўлдан келганича бошкаларга ёрдамда бўлмокдур. Жаноби Хак таоло хамма махлукларни бир-бирига мухтож ва бир-бирига сабаб килуб яратмишдур. Подшо гадога, гадо подшога, бой факирга, кофир мўминга, мўмин кофирга хосил, хамма бир-бирига мухтождир.

Бу мухтожлик ёлғиз инсонлар орасида бўлмай, инсонлар ила дунёдаги жонлик ва жонсизларнинг барчасини орасида хамма вақт кўрилмакдадур. Инсонлар минмок, юкларини ортмок, ерларига экин сочмок, сут ва гўшларини емок ва ичмок учун от, туя, эшак, кўй, сигир, хўкиз, балик, товук каби хар хил хайвонларга мухтож бўлурлар.

Хайвонлар эса ризкларини ўткармок ва болаларини тарбия килмокучун кўп вақтларда инсонлар тарафидан экилган ўт, пичан ва галлаларга ва солинган иморатларга мухтож бўлурлар. Шул сабабли шафкат ва мархамат тўгрисида инсонлик, хайвонлик, кофирлик, мўминлик, якинлик, узоглик, бойлик ва факирлик каби фаркларни эътибор килмай, барчани баробар кўрмок лозимдур.

Али ила Вали

Али исмлик факир бир бола бор эди. Бир куни оч колди. Нон излаб кўчага чикди. Кўшнилардан бирининг Вали исмлик бир ўгли бор эди. Вали кўлига бир парча нон ушлаб, эшигининг олдида еб турган эди. Бечора Али эса очликдан ўлум даражасига еткан эди. Валининг кўлидаги нонни кўргани замон олдида бориб, бўйнин эгиб, «ўртокжон, озгина нонингдан берсанг-чи», деди. Вали эса тош кўнгиллик, шафкатсиз бола эди. Шу сабабли Алининг холига ҳеч бир раҳм килмай: «Бор кет, санга берадурган ноним йўк», — деди. Орадан кўп вақт ўтмади. Бир кун Валининг бир эчкиси йўколди. Вали эчкисини ахтармоқчун далага чикди. Кўп юрди, охирида ташна бўлди. Хар тарафдан сув излади, ҳеч бир ердан сув тополмади. Сувсизликдан йиқилмоқ даражасига еткан холда узокдан кўзи Алига тушди. Али бир дарахтнинг соясида кўйларини ўтлатиб, олдида бир кўзада сув кўйиб ўтирмиш эди. Вали шодлик ила Алининг олдида бориб: «Биродар, сув бермасанг, ташналиққан ўлурман», — деди. Али факир бўлса ҳам олиёжаноб бир бола эди. Валининг холига шафкат ва марҳамат килуб, кўзани узатди. Вали тўйғунича сув ичиб, ташналиқ балосидан кутулди. Ва ўзининг улда килган марҳаматсизлигига Алидан афу сўраб, миннатдорлик изхор этди.

Исроф, бухл ва саховат

Исроф ўринсиз ва заруратсиз ерларга молни сарф этмақдир. Бухл энг зарурий ерлардан ҳам молни кизганмоқ ва аямоқдур. Саховат эса хар иккисининг ўртаси бўлиб, молни зарур ва фойдалиқ ўрунларга сарф килуб, зарурсиз, фойдасиз ўрунлардан сакламоқдур. Исроф ила бухл дин юзасидан харом ва ақл юзасидан энг ёмон ва мардуд саналган ишлардандур. Саховат эса хўйларнинг энг яхшисидур. Исроф килгувчини мусриф дейилур. Бухл килгувчини бахил ва хасис дейилур. Саховат килгувчини сахий ва жўмард дейилур. Мусриф киши хар канча давлатлик бўлса ҳам, охир бир кун факирлик ва хўрлик балосига йўликади. Бухл киши хар канча бой бўлса ҳам, молининг хузур-халовати, тириклигининг лаззати ва шавкатидан курук ва махрум колур. Сахий кишининг кундан-кун моли кўпайиб, иззат ва обрўйи ортар. Ўз баробарлари орасида сўзи ўткур ва эътиборлик бўлур.

Мактаб

Болалар тугулуб, олти-етти кунлик бўлганларида оналари бешикка солурлар. Кеча ва кундуз тинмасдан харакат килуб, кўкрак сутлари ила тарбия килурлар. Качонки болалар олти-етти ёшга етсалар, мактабга берурлар. Мактабда муаллим ва халфалар кўкрак кучлари ила тарбия килурлар. Бунга караганда, мактаб болаларнинг иккинчи бешикларидур.

Аввалги бешикда болаларга оналари сут эмизиб, танларини ўстурурлар. Иккинчи

бешикда муаллимлар илм ва одоб ўргатуб, ақл ва фикрларини ўстурурлар. Болалар учун таннинг саломатлиги лозимдур. Аммо ақл ва фикрнинг саломатлиги ундин ортигрок лозимдур. Чунки ақл ва фикрсиз тандан на ўзи учун ва на бошка кишилар учун ҳеч бир фойда йўқдур. Шул сабабли болаларга аввалги бешикдан кўра, иккинчи бешик бўлган — мактаб яхшироқ ва фойдалироқдур. Аввалги бешикда сут ва таом беруб боккан ота ва она кандай дўст ва азиз бўлсалар, иккинчи бешикда илм ва одоб ўргатуб, тарбия килган муаллим ва халфалар ондин ортугрок дўст ва азиздурлар.

Байт:

Эрур мактаб маорифнинг макони,
Замонидур бунинг ёшлик замони.
Киши килгай кишини ушбу мактаб,
Битиргай хар ишини ушбу мактаб.
Бу мактабда ўкугон хар бир инсон,
Билуб илму одоб бўлгай мусулмон.
Неча илм ол, одоб дунёдаким бор,
Чикубдур барчаси мактабдан, эй ёр.

Искандар ила Арасту

Ўткан замонда Искандар Румий деган бир подшоҳ бор эди. Анинг Арасту отлиг бир олим ва доно устоиди бор эди. Искандар устоидини ўз ёнига бош вазир килиб, барча мамлакат ишларини шунга топшурмиш эди. Бир иш килса, шунга маслаҳат ила килур эди. Эшикдан келса, ўрнидан туриб, жой берур эди. Ўзининг отасидан ортук иззат ва хурмат килурди. Бир куни вазирлардан бири Искандардан сўрадики: «На учун Арастуни отангиздан ортук иззат килурсиз?» Искандар айтди: «Отам гўёки мани осмондан ерга тушурди. Аммо, устодим Арасту мани ердан осмонга кўтарди, яъни отам мани дунёга келмогимга сабаб бўлди. Устодим илм ва одоб ўргатуб, мартаба ва иззатимнинг ортмогига сабаб бўлди. Шунинг учун устодимни отамдан ортук иззат килурман». Устодни отадан ортик иззат килмок керак.

Ўкумок, ёзмок

Ўкумок, ёзмок илми кийин бир иш эмасдур. Балки, оз вақт мактабда гайрат килмок ила ўрганиладургон бир хунардур. Локин, бундан хосил бўладургон фойдалар ниҳоятда кўпдур. Тилсиз, кулоксиз бир одам ила соғ ва саломат бир одам орасида канча фарқ бор

бўлса, ўкумок, ёзмокни билмаган кишилар ила буни билган кишилар орасида шунча фарк бордур. Балки, буларнинг ораларидаги фарк аларникидан ортигрокдур. Чунки тилсиз киши хар хил ишоратлар ила тилли кишиларнинг киладургон ишларини кила олур. Кулоксиз киши хам бировнинг сўзини шундай ишоратлар ила била олур. Аммо ўкумок, ёзмок илмини билган одамларнинг киладургон ишларини буни билмаган одамлар хеч бир йўл ила килолмаслар. Балки, ўкумок, ёзмок илмини биладургон бир кишига мухтож бўлурлар. Бундан муаллим билурки, ўкумок, ёзмок илмини билмаган одамлардан тилсиз, кулоксиз кишилар яхшидур.

Ахмад ила онаси

Ахмад олти ёшлик бир бола эди. Хар вақт онасининг олдида ўтурса, онаси эски хикоялардан сўйлаб, Ахмадни овутиб ўтирарди. Бир куни Ахмадга онаси айтди: «Ўғлум, Аллохи таоло энг аввал отамиз Одам алайхиссаломни туффрогдан яратди. Сўнгра онамиз хазрати Хавони яратди. Икковларини жаннатга кўйди. Бир емишни кўрсатиб: «Буни емангиз», — деди. Бир куни шайтон буларни алдаб, ул емишдан едирди. Шунинг учун Аллох таоло буларни койиб, жаннатдан чикарди. Икковлари ер юзига тушиб, эр ва хотун бўлдилар. Биз барчамиз шуларнинг болаларимиз».

Ахмад бу сўзни эшитгач: «Онажон, сиз хазрати Одам ила Хавони кўрганмисиз?» — деди.

Онаси: «Йўк, ўғлим, китоблардан ўкуб билдим», — деди.

Ахмад кўлига бир китоб олуб, хар канча варақлаб кўрса хам, кўзига кора чизиклардан бошка хеч нарса кўринмади.

Онаси Ахмаднинг бу холини кўриб: «Ўғлим! Сан мактабда ўкумагунча китобдаги нарсаларни кўролмайсан», — деб Ахмадни мактабга берди. Ахмад бир оз мактабда ўкугандан сўнгра, онасидан эшитган хикояларини китоблардан ўкиб, ўзи биладургон бўлди.

Ота-она

Дунёда болаларга энг дўст ва меҳрибон кишилар ўзларининг ота ва оналаридурлар. Хар она ўз боласини аввал тўккиз ой корнида кўтариб юради. Сўнгра канча азоб ва меҳнатлар ила тугар. Бола тугулган замонда «инга» деб йигламокдан бошка бир нарсани билмас. Она бечора шу болани гох кўтаруб, гох ёткизуб, гох тургузуб, гох ўткузуб тарбия килар. Иигласа, овутар. Оч колса, эмизиб тўйгузар. Алхосил, боланинг хурсандлиги ва саломатлиги нима ила бўлса, хар бирини килур. Керак бўлганда, молини ва жонини боласидан аямас. Ота эса кеча ва кундуз ишлаб топган нарсасини болаларининг ош, нон ва кийимларига сарф килур. Бунинг устига

«Ўзумдан сўнгра болаларимга колсун, болаларим кишига мухтож бўлмасин», деб бир нарса орттириб кўймок харакатида бўлур. Ота-онанинг кеча ва кундуз Худодан тилаган нарсаси болаларининг саломатлиги ва узун умр кўрмоги, дунё ва охиратда бахтли бўлмогидур. Болаларга бундай дўстлик ва яхшиликни ота-онадан бошка ҳеч ким килолмайдур. Шул сабабли болаларга ўз ота ва оналарини чин кўнгил ила дўст тутмок, буюрган ишлариникилмок, кайтарган ишларидан кайтмок лозимдур.

Байт

Кишининг бор эрса ото ва оноси,
Ганиматдур анга аларнинг ризоси.
Худонинг қошида қабули якиндур,
Ото ва ононинг болага дуоси.
Оларнинг ким огритса кўнгилларини,
Киёматда бўлгай жаханнам жазоси.

Бола қурбони

Бир хотун ўзининг тўрт ёшлик кизини етаклаб богчага чикди. Ул вақт баҳор фасли эди. Богча ёнига кўқарган яшил ўланлар ва новда учида очилишга якинлашган гул гунчалари ила зийнатланмиш эди. Яшил ўланлар орасида хар тарафга чўзилиб кетган узун-узун йўллар богчанинг хуснини орттурмиш ва ўртадан ўтадургон улуг сув богчани иккига айирмиш эди.

Бу богчага кирганда ёш кизнинг кўнгли очилуб, хар тарафга югурмокга бошлади. Гоҳо ўланлар устига ётуб юмаланур эди. Гоҳо кўзига яхши кўринган гулларни узиб, кўксига тақуб, онасига кўрсатарди. Онаси сув бўйида ўтириб, кизининг ёкимли харакатларини томоша киларди. Лекин бу хурсандлик узокка бормади. Сув бўйида янгигина очилгон бир гулни кўриб, узаман, деганда кизнинг оёғи тойиб сувга йикилди. Онаси бу холни кўриб. «Дод, болам! Сан ўлгунча ман ўлай!»— деб кизининг орқасидан ўзини сувга отди. Бу товушни богбон эшитиб, югуриб келди. Буларни бу холда кўриб, кийимларини ечиб, ўзини сувга ташлади. Бориб, аввал онасини куткармокчи бўлганди, онаси: «Мани кўй, аввал боламини куткар», — деб богбонга ялинди. Богбон ҳам қабул килиб, аввал болани кутқариб, сув четига чикарди. Богбон кайтуб боргунча бечора она хийла ерга оқуб бормиш, ўз жонини боласига қурбон килмиш эди.

Биродарга мухаббат

Иброхим ўз кариндош ва биродарларига мухаббатлик бир бола эди. Бир кун кўшнисининг уйига чикканда кўшниси бир хизмат буюрди. Иброхим аввал хизматни яхшилаб килганлиги учун кўшниси олма берди. Олмага кизикиб, ёмокчи бўлганида уйда касал бўлиб ётган синглиси эсига тушди. Олма ёлгиз ўзидан ўтмади. Синглисининг олдига кируб: «Укам, кўшнимиз берган бу олмани санга келтурдим! Е!» — деди. Синглиси суюнуб, олмани олди. Ярмини ўзи еб, ярмини яна акасига берди. Бу йўл ила бир олмани икковлари еб хурсанд бўлишдилар.

Хисса: Биродарлар бир-бирларига шундай мухаббатлик бўлмоги лозимдур.

Кўр ила дўхтир

Яхшигина бой бир кўр киши хар вақт бозорга чикиб, хар хил нарсалар олурди. Лекин кўзи кўрмаганлиги учун яхши-ёмонни айира олмас эди. Яхши деб ўйлаб олган нарсаларининг кўпи ёмон нарсалар эди. Бир куни кўзининг пардасини олдурмок учун бир дўхтирни уйига чакирди.

Дўхтир келиб, кўзини пардасини олди. Бир неча кундан сўнгра кўзи очилуб, уйидаги нарсаларни кўрмокка бошлади. Бозордан олгон нарсаларининг хар бири кўзига ёмон кўринди. Боруб: «Сан маним уйимдаги нарсаларимни олуб, ўрнига ёмон нарсалар кўйибсан», — деб дўхтирнинг этагидан тутди. Дўхтир: «Йўк, биродар! Аввал сан кўр эдинг. Бозордан олган нарсаларингни барчаси ёмон нарсалар эди. Сан они билмас эдинг. Эмди кўриб, аларнинг ёмонлигини билдинг», — деб жавоб берди.

Хисса: Нодон киши шул кўрга ўхшайдир. Яхши деб ўйлаган нарсаларининг кўпи ёмон нарсалар бўлур. Илм дўхтирга ўхшайдир. Ўкиган кишиларнинг кўзларини очар. Сўнгра ёмон ишларнинг ёмонлигини билиб, ондан ўзларини тортурлар.

ФАННИЙ ДАРСЛАР

Йил (сана)

Бир йил ўн икки ойдир. Бир ой 4 хафта ила 2 ёки 3 кундир. Бир хафта 7 кун бўлур. Бир кун

24 соат. Бир соат — 60 дакика (минут). Бир дакика 60 сония (секунд)дур. Бир сония эса кўз юмиб очгунча ўтадурган бир замондир.

Йилнинг икки хил хисоби бордир. Бири офтобнинг кўринишидан хисобланур. Буни санаи шамсия (кўёш йили) дейилур. Иккинчиси ойнинг кўринишидан хисобланур. Буни санаи камарий (ой йили) дейилур.

Куёш йили хисоби ила бир йил уч юз олтмиш беш кун ва олти соат бўлиб, 52 хафтадан бир кун ва олти соат ортиқдур. Ой йили хисоби ила бир йил уч юз эллик тўрт кун бўлиб, эллик хафтадан тўрт кун зиёдадур.

Ой йили ойлари

Ой йили хисоби ила ойларнинг арабча исмлари ушбулардур: мухаррам, сафар, робиул аввал, робиул охир, жумадул аввал, жумадул охир, ражаб, шаъбон, рамазон, шаввол, зулкаъда, зулхижжа. Бу хисоб мусулмонларнинг диний ибодат ва байрамлари учун юрутилур.

Йил боши мухаррам ойининг биринчи кунидур. Бу кунда кўп мусулмон мамлакатларида йил боши байрам ясалур.

Мухаррамнинг ўнинчи куни хазрат имом Хусайн (розиаллоху анху)нинг Карбалода шахид бўлгон кунларидур. Шунинг учун ислом вилоятларида бу кун ашуро мажлисларий ясалуб, хутба ва дуолар ўкилур.

Робиул аввалнинг ўн иккинчи куни кўп ерларда мусулмонлар мактаб ва дўконларини ёпуб, иш ва касбларини ташлаб, Мавлуд байрами килурлар. Мавлуди шариф ўкутурлар. Чунки бу кун Мавлуд куни, яъни Пайгамбаримиз (саллаллоху алайхи васаллам)нинг дунёга келган кунларидур.

Рамазони шарифда рўза тутулиб, хар кеча тарових намози ўкулур. Шавволнинг биринчи куни ийди рамазон намози ўкулур. Уч кун байрам ясалур. Зулхижжанинг тўкизинчи куни хар (йили) Маккаи мукаррамада хожилар Арофат тогига чикурлар. Зулхижжанинг ўнинчи куни Ийди курбон намози ўкилур. Уч кунгача курбонлик сўйилур. Тўрт кун байрам килинур.

Куёш йили ойлари

Куёш йили ойларининг русча, арабча, румча (туркча) номлари:

Арабча Русча Румча Кун
Хамал Март Март 31
Савр Апрель Найсон 30
Жавзо Май Майис 31
Саратон Июнь Хазирон 30
Асад Июль Тамуз 31
Сунбула Август Агустус 31

Мезон Сентябрь Ийлул 30
Акраб Октябрь Ташрини аввал 31
Кавс Ноябрь Ташрини соний 30
Жадий Декабрь Конуни аввал 31
Далв Январь Конуни соний 31
Хут Февраль Шабот 28

Хут ои хар тўрт йилда бир мартаба 29 кун, уч мартаба 28 кун бўлиб, 29 кун бўлгон йилни санаи кабис ёки зурил деб аталур. Йил боши арабчада хамалдан бошланур. Русчада январдан бошланур. Румчада конуни сонийдан бошланур.

Асрлар

Хар юз йилни бир аср дейилур. Пайгамбаримиз (саллаллоху алайхи васаллам)нинг Маккадан Мадинага хижрат килган (кўчкан) кунларидан бошлаб саналган асрни асри хижрий дейилур.

Хазрати Ийсо алайхиссаломнинг тугилгон кунларидан саналган асрни асри мелодий дейилур.

Хозирги асримиз, асрихижрийнинг 12-нчиси, асри мелодийнинг 20-нчисидур. Ўтган асрларга караганда, бу аср, илм ва хунарнинг энг тараккий килгон ва кўпайгон асридур. Ўткан асрларда минг кишининг кучи ила бир ойда ишладургон ишларни бу асрда мошиналар кучи ила кунда ишлайлар. Ўткан асрларда от ва ароба ила бир ойда босилдургон йўллар, бу асрда ўт ароба ва пароходлар ила бир кунда босилур. Гўёки бу асримиз илм ва хунар асридур. Эмди бу асрга лойик кишилардан бўлмок учун илм ва хунар лозимдур.

Илм ва хунар иши ўкумок ва ўрганмок учун ёшлиқдан гайрат килгон кишигагина хосил бўлур.

Фасллар

Бир йилда тўрт фасл бордур. Бири — ёз, иккинчиси — куз, учинчиси — киш, тўртинчиси — бахордир. Хар фасл уч ой бўлур. Ёз ойлари: саратон, асад, сунбуладур. Куз ойлари: мезон, акраб, кавсдур. Киш ойлари: жадий, далв, хутдур. Бахор ойлари: хамал, савр, жавзодур. Ёз фаслида хаволар исир, экин ва мевалар пишар, мактаб ва мадрасаларда ўқушлар тўхталур. Куз фаслида мактаб ва мадрасалар очилур. Укушлар бошланур. Экинлар ўрилур. Дарахтларнинг япроклари тўкилур. Ёмгурлар ёгар. Сувлар музлар.

Бахор фаслида дарахтлар япрок чикарур. Гуллар очилур. Булбуллар сайрар. Ўтлар кўкарур, экинлар экилур, жонлик ва жонсиз махлукларнинг хар бирида сирли бир кўриниш ва суюнчли бир харакат пайдо бўлур, хар тарафдан кишининг кулогига хуш овозлар келур, димогига хуш ислар кирмокка бошлар. Шунинг учун фаслларнинг яхшиси бахор саналур.

Кунлар

Кунларнинг форсча, туркча исмлари ушбулардур

Форсча *Жума Шанба Якшанба Душанба Сехшанба Чахор-шанба Панж-шанба*

Туркча *Жума Жума эртаси Позар Позар эртаси Соли Чахор-шанба Панж-шанба*

Жума хафтанинг боши, кунларнинг саййиди ва мусулмонларнинг хафталик улуг байрамларидур. Бу кун мусулмонларнинг жумаларга йигилиб, жума намози ўқийдургон кунлари, ёру дўстлари, хеш ва акробалари ила кўрушуб, ахвол сўрашадургон кунлари, мажлис ва жамият (гап)лар ясаб, диний, васлий сухбат ва маслахатлар килишадургон кунларидур. Шунинг учун жума кунлари ишчиларга ишларини кўймок, косибларга касбларини тарк этмок, шогирдларга ўкушларини тўхтатмок, савдогар ва амалдорларга дўкон ва махкамаларини ёпмок диёнат юзасидан лозим ишлардур. Шанба иудейларнинг, якшанба христианларнинг хафталик байрамларидур. Буларнинг хам хар кайлари ўз байрам кунларини таъзим килуб, юкорида этилгон ишларнинг хар бирини килурлар.

АХЛОК ДАРСЛАРИ

Ёлгончилик

Хар ким бўлгон ишни бўлмади деса, бўлмагон ишни бўлди деса, ул киши ёлгончи дейилур. Ёлгончилик гунохларнинг улуги, хадияларнинг бузугидур. Ёлгончиларнинг пайдо бўладигон зиёнлари ниҳоятда кўпдур. Ёлгончини Хак таоло дўст тутмас. Халк орасида сўзининг эътибори колмас. Хеч кимтнинг сўзига ишонмас. Хамманинг кўзига ёмон кўринур. Чунки, ёлгон сўзнинг, албатта, асли чикмай колмас. Бу кун ё эрта ёлгонлиги билинуб, сўзлагувчининг уялмогига, шарманда бўлмогига сабаб бўлур. Ул сўзни чинликка чикармак учун яна неча ёлгонларни сўзламок лозим келур. Бу ёлгонлар хам бир кун маълум бўлур. Охирида ул сўзлагувчининг исмини одамлар ёлгончи дерлар.

Рост сўзласа хам, ёлгонга хисоб килурлар.

Ёлгончи бола

Бир мактабда Хабиб исмлиқ бир ёлгончи бола бор эди. Хабиб доимо ёлгон сўзлар ва хар кимни алдар эди. Муаллим афанди Хабибга: «Ёлгон сўзлама», деб кўн насихатлар килди. Жазолар берди, асло бўлмади, чунки Хабиб ёшлиқдан ёлгонга одат килгон эди. Ёшлиқдан одат бўлгон ишни ташламок кийин бўлур. Бир вақт Хабиб неча кунгача мактабга келмади. Хар кун эрталаб: «Мактабга бораман», деб уйидан чиқар эди. У ерда-бу ерда ўйнаб, яна уйига: «Мак- табдан келдим», деб борур эди. Ота-онасини: «Бу кун буни ўқидук, буни ёздук», деб ёлгон сўзлар ила алдар эди.

Бир кун Хабиб мактабга келди. Муаллим афанди тафтиш килгонда, Хабибнинг бир хафта бутун узрсиз мактабдан колгонлиги маълум бўлди. Шул сабабли Хабиб мактабдан кувланди.

Бул хабарни ота-онаси эшитиб, алар хам бу ёлгончи Хабибни уйдан кувладилар. Хабиб бечора ёлгончилик сабабидан хам мактабдан ва хам уйдан кувланди.

Ёлгончилик зарари

Бир чўпон сахрода кўйларини ўтлатуб юрур эди. Кўзига якин ердан бир кишлок кўринди.

Чўпон кишлокиларни алдамок учун ёлгондан: «Бўри келди, бўри келди!» — деб кичкурди. Буни

эшитиб, кишлокилар кўлларига калтак, тўкмок кўтариб югуришдилар. Келиб карасаларки, бўридан хеч бир асар йўк. Кўйлар бахузур ўтлаб юрибдилар. Чўпон эса илжайуб, кулиб турибдур. Кишлокликлар чўпоннинг ёлгондан кичкиргонини билиб, хафа бўлиб, ўз жойларига кайтиб кетишдилар.

Иттифоко эртасига бирдан икки бўри келиб, кўйларга югурдилар, чўпон кўркиб, бир дарахт устига чикди. Бор овози ила: «Дод, бўри келди», деб кичкира бошлади. Лекин кишлокилар: «Бу кун хам ёлгондан кичкируб, бизни алдар», деб ёрдамга келмадилар. Бўрилар бир неча кўйларни бўғиб ўлдирдилар. Чўпон бечора ўз жонини зўрга кутка-риб колди. «Ёлгончи» деб аталгон кишининг чин сўзига хам хеч ким ишонмас.

Тўгрилик

Тўғри сўзлик болаларни хар ким яхши кўрар. Кундан-кунга даражаси ва обрўси ортар. Хар ким олдида сўзи макбул ва ўзи эътиборлик бўлур. Улуг-улуг хизмат ва ўринларга лойик кўрурлар. Бора-бора кўлига зўр-зўр ишлар топширилур. Ёлгончи болалар эса бу неъмат ва бу давлатларнинг барчасидан курук колурлар. Тўғри болалардан жаноб Хак таоло хам рози бўлур. Шул сабабли хар бир сўзда тўғрилиқ ила харакат килмок лозимдур. Сўзда тўғрилиқ эса ёлгон сўз сўзламасликдур.

Ориф ила Содик

Бир кун Ориф ила Содик иккиси ўйнашуб, мактабнинг деворига осилгон соатни синдирдилар. Муаллим афанди Орифни чакириб: «Соатни ким синдирди?» — деб сўради. Ориф тўғри сўзлик бир бола эди. Шунинг учун «Содик ила иккимиз ўйнашуб синдирдик, гунохимизни кечирсангиз эди, афандим!» — деб тўғри жавоб берди.

Муаллим афанди Содикни чакириб: «Соатни нима учун синдирдингиз?» — деб сўраганида, Содик: «Таксир! Ман йўк эдим. Орифингиз синдиргандир», — деб тонди. Сўнгра бошка болаларнинг гувоҳликлари ила муаллим билдики, Орифнинг сўзи чин экан, соат синдирганларнинг бири Содик экан. Муаллим Орифга караб: «Ўғлим Ориф, тўғри сўзлаганинг учун санинг гунохингни кечирдим, бундан кейин эҳтиёт бўл!» — деди. Сўнгра Содикга боқуб:

«Ёлгончи Содик! Сан хам тўғри жавоб берсанг эди, гунохингни кечурар эдим. Энди ёлгон сўзлаганинг учун бир кун мактабда таомсиз колурсан. Хам соатнинг ярим бахосини тўлайсан»,

— деди.

Ориф тўғри сўзлади, кутулди. Содик ёлгон сўзлади, тутилди.

Хайвонлар

Ерда юрадирган, осмонда учадурган, сувда яшайдурган катта ва кичик жонли нарсаларнинг хаммасини хайвонлар дейилур.

Хайвонлар дафъатан икки қисмга бўлинурлар. Бир қисмини суякли хайвон, иккинчи қисмини суяксиз хайвон дейилур.

Суякли хайвонлар хам аввалдан беш синфга бўлинурлар.

Биринчиси: ерда юрадирган ва болаларини тугуб, кўкрак сутлари ила бокадурган иссиг конли хайвонлардур. Буларнинг кўплари тўрт оёгли бўлурурлар. Ораларида от, хўкиз, туя, ит, мушук, кўй ва эчкиларга ўхшаган уйларда, сахроларда бокилиб, кишидан кочмайдурганлари бордур. Буларни: ахли уй хайвони дейилур. Йўлбарс, айик, бўри,

тулки, буги ва кийикларга ўхшаган, кишидан кочадурганлари, тоғларда, чўлларда ўз холича яшайдурганлари бордур. Буларни ёбони (ёввойи), кир хайвонлари дейилур.

Кушлар

Суяклик хайвонларнинг иккинчи кисми болаларини тухумдан чиқарадургон икки оёгли ва икки канотли хайвонлардурки, буларнинг барчаларини куш дейилур. Кушлар ҳам ерда юрадилар ва ҳам хавода учарлар. Кўкракли хайвонларга ўхшаган булар ҳам иссиг конлик бўлиб, ахли ва ёввойи исмлари ила икки кисмга бўлинурлар. Товук, гоз ва ўрдакларга ўхшаган кишига ўргангонларини ахли, уй куши дейилур. Лайлак, карга, корчигай, чумчук ва булбулларга ўхшаган, кишидан кочадурганларини ёбоний, кир куши дейилур.

Уй кушлари узун муддат кишини кўрмасдан турсалар, кир куши бўлиб колурлар. Кир кушлари ҳам оз вақт кишининг кўлидан таом еб турсалар, ўргануб, уй кушлари каторига кирурлар. Кушларнинг ораларида кўршапалакга ўхшаган боласини тугиб кўкрак сути ила бокадурганлари ҳам, кундузлари учолмай, кечалари учадургонлари ва ҳам ўрдак ва гозларга ўхшаган сувларда кўп юрадурганлари бордур. Суяклик хайвонларнинг учинчи кисми — зувохиф ва балик, совук конли хайвонлар каби, буларнинг бир кисмлари кўлсиз, оёксиз бўлиб, ерда суриниб юрурлар. Бундай хайвонларни зувохиф дейилур. Илон бу кисмдандур.

Илонларнинг сувда юрадургонлари, куш ва курбакаларни еб тириклик киладургонлари ва болаларини тухумдан очадургонлари ҳам бордур. Тўртинчи синфи, яъни совук конли ва сувда яшайдургон кўлсиз, оёксиз хайвонлардур. Бу синф хайвонларни балик дейилур.

Баликсув ичида нафас олур. Сувдан чикса, нафас ололмасдан, оз вақтда халок бўлур. Кўп вақтларда улугроги кичикрокларини еб (ютиб), тириклик килурлар. Балик бола очмокчи бўлганда, сув ичида тухум кўюр. Тухуми тарикга ўхшаган майда, ҳам ниҳоятда кўп бўлур. Бир баликнинг тухумидан мингларча баликлар пайдо бўлур. Шунинг учун балик кўп баракатли хайвондур. Балик кишилар орасида энг кўп ейиладургон хайвондур.

Баликлар ҳам кушларга ўхшаган хар хил исмда ва хар хил сувратда бўлурлар.

Курбака

Бешинчи синф яна сувда яшайдургон совук конли хайвонлардур. Лекин бу тугилгон замонда кўлсиз, оёксиз бўлса ҳам, каттарок бўлгон сари сувратини алиштириб, охирида кўл ва оёгли ёки тўрт оёгли бир сувратга кирур. Курбака синфидандур.

Курбака ҳам сувда ва ҳам куругда, нафас олмокга кодир бир хайвондур. Боласи

аввалан кора туслик, юмалок бошлик ва думлик бир курт сифатида бўлиб, сув ичида тухумдан тугулур. Биз они итбалик деб атаймиз.

Биринчи кундан сўнгра ранги бир оз окариб, аввал икки кўл, сўнгра икки оёғ чикариб, тўрт оёғли ҳам куйрукли бир хайвон сувратига кирур. Бора-бора куйруги кискариб-кискариб, йўк бўлуб, хозирги курбака сувратига кирур.

Суяксиз хайвонлар

Юкорида ёзилгон беш синф хайвонларнинг хаммаси суякли хайвонлар эди. Энди алардан бошка бир кисм хайвонлар бордурки, буларни суяксиз хайвон дейилур. Суяксиз хайвонлар ҳам суякли хайвонларга ўхшаб неча синфга бўлинулар. Лекин хар бир синф ҳам юмшок танли бўлиб, хамма аъзоси тери ила эт ва сувдан иборат бўлур. Баданидан заррача суяк топилмас. Шунинг учун бу кисм хайвонни суяксиз дейилур. Ниначи, бузокбоши, пашша, ари, кумурска ва бошка хар хил куртлар бу кисмдандурлар.

Хайвонларнинг фаросат ва маишатлари

Жаноби Хак хайвонларга ўзларини душмандан сакламок, ризklarини топиб емок ва болаларини бокмок учун бир фаросат (хис) бермишдур. Баъзилари кочиб, баъзилари копиб, баъзилари чакиб, баъзилари тешиб, баъзилари захар сочиб, ўзларини душмандан кўрулар. Баъзилари ўзларига ўхшаш хайвонларни тутуб еб, баъзилари ердан чиккан ўтларни, дарахтларнинг илдизларини, лой ва кумларни, дон ва меваларни топиб еб, ризklarини ўткарурлар. Бола очмок, ётуб ухламок учун баъзилари ер остида, баъзилари дарахт устида, баъзилари тоғларда, баъзилари богларда, баъзилари куругда, баъзилари сувда ўзларига махсус уй (макон) ясаб олурлар. Кўкракликлари эмизуб, кўкраксизлари керакли таомларни хар кайдан бўлса ҳам топиб келтируб, болаларини тарбия килурлар. Хайвонлар орасида чумолига ўхшаш кишликларини ёзда йигиб оладургонлари бордур.

Бойкуш, укки, кўршапалакларга ўхшаш кундузлари ухлаб, кечалари ризк излайдургонлари бор. Айик, илон, курбака ва пашшаларга ўхшаш бутун киш таом емасдан, котиб ухлаб, аввал бахордан уйғониб чикадургонлари бор. Хайвонларни хар бири нутк (сўзлашмок), акл, илм каби улуг неъматлардан махрумдурлар. Шундай бўлса ҳам, таълим ва тарбия ила баъзи хайвонларга баъзи харакатларни ўргатмок, тўти, майна каби кушларга баъзи сўзларни ўргатмок мумкиндур.

Инсоннинг бошка хайвонлардан фарки

Одам болаларини инсон дейилур. Инсон ҳам хайвон жинсидандур. Чунки хайвонда бўлгон емок, ичмок ва ухламокишлари инсонда ҳам бордир. Инсонда бор оёк, кўл, кўз, кулок ва огиз каби аъзолар хайвонда ҳам бордир. Бундай ишларда инсон ила хайвон орасида фарк оздур. Инсоннинг бошка хайвонлардан фарки факат ўкимок, ёзмок, сўз сўйламок, хар ишга акл ва фикр юритмок иладур. Булар эса жаноби Хакнинг ёлгиз инсонга берган улуг неъматларидур. Бошка хайвонлар бу неъматлардан махрумдурлар. Вокеан, бошка хайвонларда ҳам фаросат бор. Ит эгасини танийдур, кўп вақт кўрмаса ҳам, эсидан чиқармас. Кўрган замон суюниб, куйругини ликиллатиб, эгасини оёгини ўпар. Лекин бу фаросатини сўз ила баён килолмас. Бундан маълум, буларга инсон бўлмок учун ўкумок, ёзмок илмини билмок лозимдур. Ўкигон кишилар ҳам ишини акл ва фикр ила ўилаб килурлар, дуруст сўз сўйламокни ҳам ўрганурлар. Дунёга келиб, ўкимок, ёзмокни ўрганмасдан, ёлгиз емок, ичмок ва ухламок ила умр ўтқарган кишиларнинг бошка хайвонлардан фарклари йўқдир.

Хайвонларнинг инсонга фойдалари

Хайвонларнинг хар кайсиларини инсонга хар хил фойдалари бордур.

Гўёки жаноби Хак хайвонларни инсонлар учун яратмишдур. Инсон хайвонларнинг хар биридан хар сувратда фойдаланур. Кўй, сигир ва эчкиларни сўйиб, гўштларини ер, териларидан кафш, махси ва бошка хар хил кийим ва асбоблар ясар. Тирик вақтларида сутларини соғиб ичар. От, эшак, туя ва хачирларга минар. Юклар ортар. Хўкизни кўшка кўшар. Баликларни тутуб ошар. Ит ва кушлар ила ов килур.

Алхосил, хайвонларнинг хар бирлари инсонларга хар сувратда фойда етқарурлар. Баъзилари кон ва жонлари ила ва баъзилари куч ва кувватлари ила хизмат килурлар. Хайвонларнинг бу хизматларига муқобил инсон тарафидан ҳам хайвонларга шафқат, раҳм ва меҳрибонлик лозимдур.

Шул сабабли хайвонларни сабабсиз ўлдирмок, урмок, кийнамок, оч ва ташна колдурмок, огир юкларни ортмок ва кўп ориглатиб кўймок каттиг зулм ва улуг гунохлардан саналур.

Бахилнинг боги кўқармас

Ўтмиш замонларда бир бахил бор эди. Анинг бойлиги шул даражага етишгон эдики, молининг хисобини ўзи ҳам билмас эди.

Лекин бу бойликдан на ўзига ва на ахли аёлига ва на бошкаларга ҳеч бир фойда йўқ эди. Чунки, анинг эътиқодича, бойликдан мақсад ёлгуз кеча-кундуз ҳаракат килиб, мол йигмок эди. Аммо мол йигмокдан асл мақсад нима? Молни қандай ерларга сарф килмок

керак? Емок, ичмок, мактабу мадрасаларга, факиру мухтожларга ёрдам бермок керакми? Йўкми? Бу хусусларида ҳеч бир ўйламас эди. Хаттоки, ўзининг ахли авлодининг таом ва кийимларига ўхшаш энг зарур ўринларга ҳам минг машаккат ила акча чиқарур эди.

Бозордан нон олса, (арзонлиги учун) куйган ва котканларини, мева олса, чуригон ва сасигонларини олур эди. Кийимлари эса хар вақт эски, йиртик ва кирлик бўлур эди. Бисотида Ахмад исмли биргина ўгли бор эди. Баъзи бир эшонларнинг далолатлари ила бир кун ўглини мактабга олиб борди. Муаллим афанди мактаб низомларини баён этканда, муаллимлар вазифаси учун хар ойда бир сўм тўлаб турмак лозим эканини ҳам сўзлаб ўтди. Бир сўмни эшиткач, бой жанобларининг кўзлари ўйнади.

Муаллимнинг юзига боқиб: «Ойда бир сўм?.. Йўк, афандим, ўгул ўқутмак мани ишим эмас экан, аввалги домлалар ҳафтада бир нонга каноат килурдилар. Ойда бир сўм кайдан чиқади? Юр, ўглим, ўқумасанг ҳам бир ризкинг ўтар. Ман мунча дунёни ўқиб топмадим», — деб ўглини кайтуб олиб кетди. Ахмад бечора отасининг бахил ва ҳасислиги соясида дунёда яшамок, инсон каторига кирмок учун энг зиёда лозим бўлгон илм ва маърифатдан маҳрум бўлиб, жохил ва нодонлик ила ўсди. Кўп ўтмади, ажал келиб, бойнинг ёқосидан тутди. Аввалда анинг руҳини тарбия килмок, яъни ўқитмок учун ойда бир сўмни кўзи киймагон бахил эмди ҳамма дунёсини шул Ахмадга ташлаб, ўзи бир оз дока ила бўзга ўралуб, охиратга сафар килди. Ахмад эса ёшликда илм ва тарбия кўрмагон, касб-хунар ўрганмагон эди. Шунинг учун яхши ва ёмонни айирмайдигон ва молнинг кадрили билмайдургон мусриф бир киши бўлиб чикди. Тўрт-беш нафар ёмон кишиларга кўшилуб, хар хил кабохат йўлларига юрмокга ва бир тийинлик ўрунга йигирма тийинлаб сарф килмокга бошлади. Отасининг шунча ҳасислик ила жаъм килгон молини оз вақт ичида тамом килуб, ўзи факир ва мухтож бир холга тушди. Бахилнинг моли, мусрифнинг холи шундай бўлур.

Молнинг кадрили сахий билур

Бир вақт Андижон шаҳрида каттиг зилзила бўлуб, ҳамма иморатлар йикилди. Кўп кишилар том ва деворларнинг ос-тида колуб, халок ва мажрух бўлдилар. Кўп факиру бечоралар уйсиз, жойсиз, оч ва ялангоч колдилар. Буларнинг фойдаларига хар тарафдан ионалар йигилди. Хар шаҳардан ул бечораларга акча, таом ва кийимлар юборилди. Хар ерда неча-неча кишилар иона йигиб юбормокга мутасадди бўлмиш эдилар.

Шул мутасаддиларнинг баъзилари Тошканда иона сўрамок учун бир бойнинг уйига бордилар. Бойни жаҳл ва газаблик бир холда кўрдилар. Сўнгра газабининг сабабиний билдиларки, хизматкори учи ёкилмаган бир гугуртни ерга ташлагани учун ондин койиб турган экан. Мутасаддилар бу холи кўриб, бир-бирларига боқиб: «Бир гугурт учун мунча газабланган, иона сўраб нима килурмиз?» — дедилар. Лекиняна шунча ерга келиб, ҳеч нарса демасдан кетмокни муносиб кўрмай, нима учун келганларини бойга билдирдулар. Бой эса тезлик ила ичкари кириб, беш юз сўм акча чиқаруб, мутасаддиларнинг кўлларига берди. Мутасаддилар хайрон бўлишдилар.

Бой жаноблари буларга боқуб: «Нимага хайрон бўлурсиз? Агарда ман бир гугуртнинг бекор кетмогига рози бўладурган даражада мусриф бўлсайдим, хозирда бундай хайр ишларга бериладургон акчаларни кандай жамъ килурдим? Сахий бўлурман, деган киши молнинг кадрили билур. Ерига караб, пулига савдогарлик килур. Ерига караб, мингларча сўмнинг юзига бокмас», деди.

Ўрунли саховат

Бир бой ўглини тўй килмокчи бўлди. Бир неча ёру дўстларини чакируб, маслахат сўради. Дўстлари уч-тўрт кун шахар халкига ош бермокни, созанда ва хофизлар келтуриб, базм ва зиёфат килмокни маслахат кўрдилар.

Бой эса мол кадрили билгувчи эсли ва инсофли бир зот эди. Шул сабабли аларнинг берган маслахатларини ва кўрсатган йўлларини мувофик топмади ва аларга боқуб, ушбу сўзларни сўзлади: «Азиз биродарларим, тўй деган бир саховатдур. Саховат эса факир, мухтож, оч ва ялангочларнинг хакларидур. Ош берганда шуларга бермок лозимдур. Холбуки, орамиздаги урф- одатларга караганда, ман ошни сиз хурматлиларга ўхшаш, янги тўнли зотларга берсам керак. Агар урфу одатдан чикиб, факир ва мухтожларни чакирсам, эхтимолки, хар ердан ошга чакирилуб ўрганган баъзи янги тўнлиларимизни кўнгиллари колур. Ва агар факирларни кўйиб, бойларни чакирсам, ўзимга ва хам аларга зиён еткурган бўламан. Чунки ўзимнинг канча молим ўрунсиз сарф бўлур. Алар эса ошга борурмиз, деб ўз ишларидан колурлар. Хусусан, муаллим ва мударрисларни чакириб, мактаб ва мадрасалар ишига канча шогирдларни мунтазир ва саргардонликларига сабаб бўлмокни зўр гуноҳ деб ўилайман, шул сабабли халкга ош бермок учун сарф киладурган акчаларимни мактаб ва мадрасаларга, факир ва мухтожларга улашуб, ўглимни суннатга мувофик хатна килдирсам дейман, шояд сиз хурматлилар хам мани айбга буюрмай, бу фикримга кўшилиб, ёрдам берсангиз».

ФАННИЙ ДАРСЛАР

Хаво

Дунё юзи «хаво» исмлиқ бир жисм ила тўла бўладур. Сув ила тўлгон бир ховуз ичида сув кирмаган хеч бир ўрун колмайдур. Шунга ўхшаш дунё юзида хам хаво кирмаган бўш ўрун йўқдур. Хаво ўзи рангсиз, тиниқ, юмшоқ бир жисм бўлгонлиги учун бизим кўзимизга кўринмайдур.

Бир елпигич ила киши ўзини елписа, юзига совуқ бир нарса келиб тегадур. Мана шу

юзга теккан нарса елпигичнинг харакати ила кимирлаган ва тўлқинланган хаводур. Бир олманинг думидан ип бойлаб, бошдан тез айлантурулса, «гув-гув» деган бир товуш чикадур. Мана бу товуш олмадан чиккани йўк. Балки шул олма ила хавонинг бир-бирига тегмок ва суйкалмогидан пайдо бўлган товушдир.

Ер юзидаги инсонлар, хайвонлар ва дарахтларнинг хар бирлари шул хаво ила тирикдурлар.

Сувсиз ерда баликтириклик килмайдур. Шунга ўхшаш хавосиз ерда биз хам ти-риклик килолмасмиз. Чунки нафас олмок учун баликга сув, бизга хаво лозимдур. Хавосиз нафасни ичига олмок мумкин эмасдур. Нафас олгонимизда ичимизга хаво кирар. Фойдалилари ўпка орасидан боруб, конга кўшилур. Фойдасизлари нафасни кўйгонимизда ташкари чикиб кетадур. Бундан маълум бўладики, биз доимо хаво ютиб турамыз. Агарда бир-икки минут хавосиз колсак, нафас олмасдан бўгилуб ўламыз. Бир биз эмас, бошка хайвонлар хам шундайлар ва инсон ва хайвонларнинг ичларидан чикгон хаволар захарлануб, иккинчи ютишга ярамай колурлар. Буларни эса ўланлар ва дарахтлар ютиб, тириклик килурлар.

Булут

Бир козонга сув тўлатиб остидан олов ёкилса, бир оз исигандан сўнг ул сувдан буг чика бошлайдур. Агарда оловни хадеб ёкилаверса, сув кайнаб-кайнаб озая бошлар. Охирида сувнинг хаммаси буг бўлиб чикуб кетуб, козон куруб колар. Бундан маълум бўлурки, сув исигон сари буг бўлиб осмонга кўтарилур экан. Ер юзидаги денгизлар, кўллар ва дарёларни куёш иситган сари, ондаги сувлар буг бўлиб, осмонга чика бошлайдур. Куз ва киш кунларида эрталаб сув бўйларида туриб диккат килган киши сувдан доимо буг чикиб турганлигини кўп яхши биладур. Мана шул сувлардан пайдо бўлгон буглар ердан бир неча сожин юкорига кўтарилгондан сўнгра бир-бирларига кўшилиб калинлашурлар. Шамол кучи ила хар тарафга юриб, харакат килурлар. Куёш, ой ва юлдузларнинг олдиларини тўсиб кўк юзини корайтурурлар. Биз шул буг йигинларини булут деб атаймыз.

Сўнг